



# Deddf yr Amgylchedd (Cymru) 2016

2016 dccc 3

## RHAN 2

### NEWID YN YR HINSAWDD

*Targedau allyriadau a chyllidebau carbon: y prif ddyletswyddau ar Weinidogion Cymru*

#### 29 Targed allyriadau 2050

- (1) Rhaid i Weinidogion Cymru sicrhau bod cyfrif allyriadau net Cymru ar gyfer y flwyddyn 2050 o leiaf [<sup>F1</sup>100%] yn is na'r waelodlin.
- (2) Gweler adran 33 am ystyr “cyfrif allyriadau net Cymru”, a gweler adran 38 am ystyr y “waelodlin”.
- (3) Caiff Gweinidogion Cymru, drwy reoliadau, ddiwygio is-adran (1) fel ei bod yn pennu canran sy'n fwy nag 80%.
- (4) Yn y Rhan hon, cyfeirir at y targed yn is-adran (1) fel “targed allyriadau 2050”.

#### Diwygiadau Testunol

- F1** Gair yn [a. 29\(1\)](#) wedi ei amnewid (19.3.2021) gan [Rheoliadau Deddf yr Amgylchedd \(Cymru\) 2016 \(Diwygio Targed Allyriadau 2050\) 2021 \(O.S. 2021/333\)](#), rhlau. 1(2), 2

#### Gwybodaeth Cychwyn

- II** A. 29 mewn grym ar 21.5.2016, gweler [a. 88\(2\)\(b\)](#)

#### 30 Targedau allyriadau interim

- (1) Ar gyfer pob blwyddyn darged interim rhaid i Weinidogion Cymru, drwy reoliadau, osod uchafswm ar gyfer cyfrif allyriadau net Cymru, a fynegir fel canran islaw'r waelodlin (“targed allyriadau interim”).

*Newidiadau i ddeddfwriaeth: Deddf yr Amgylchedd (Cymru) 2016, Croes Bennawd: Targedau allyriadau a chyllidebau carbon: y prif ddyletswyddau ar Weinidogion Cymru yn gyfredol gyda'r holl newidiadau y gwyddys eu bod mewn grym ar neu cyn 26 Mehefin 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes*

- (2) Rhaid i Weinidogion Cymru sicrhau nad yw cyfrif allyriadau net Cymru ar gyfer pob blwyddyn darged interim yn uwch na'r targed allyriadau interim ar gyfer y flwyddyn honno.
- (3) Y blynyddoedd targed interim yw 2020, 2030 a 2040.
- (4) Rhaid i Weinidogion Cymru osod y targedau allyriadau interim cyn diwedd 2018.

#### Gwybodaeth Cychwyn

**I2** A. 30 mewn grym ar 21.5.2016, gweler [a. 88\(2\)\(b\)](#)

### 31 Cyllidebau carbon

- (1) Ar gyfer pob cyfnod cyllidebol, rhaid i Weinidogion Cymru osod drwy reoliadau gyfanswm uchaf ar gyfer cyfrif allyriadau net Cymru ("cyllideb garbon").
- (2) Rhaid i Weinidogion Cymru sicrhau nad yw cyfrif allyriadau net Cymru ar gyfer pob cyfnod cyllidebol yn uwch na'r gyllideb garbon ar gyfer y cyfnod hwnnw.
- (3) Y cyfnodau cyllidebol yw—
  - (a) 2016 i 2020, a
  - (b) pob cyfnod dilynol o bum mlynedd, sy'n dod i ben â 2046 i 2050.
- (4) Rhaid i Weinidogion Cymru—
  - (a) gosod y cyllidebau carbon ar gyfer y ddau gyfnod cyllidebol cyntaf cyn diwedd 2018, a
  - (b) gosod y gyllideb garbon ar gyfer y trydydd cyfnod cyllidebol a'r cyfnodau cyllidebol diweddarach o leiaf bum mlynedd cyn dechrau'r cyfnod o dan sylw.

#### Gwybodaeth Cychwyn

**I3** A. 31 mewn grym ar 21.5.2016, gweler [a. 88\(2\)\(b\)](#)

### 32 Targedau allyriadau a chyllidebau carbon: egwyddorion

- (1) Rhaid i Weinidogion Cymru—
  - (a) gosod pob targed allyriadau interim ar lefel y maent wedi eu bodloni ei bod yn gyson â chyrraedd targed allyriadau 2050, a
  - (b) gosod y gyllideb garbon ar gyfer pob cyfnod cyllidebol ar lefel y maent wedi eu bodloni ei bod yn gyson â chyrraedd—
    - (i) targed allyriadau 2050, a
    - (ii) y targed allyriadau interim ar gyfer unrhyw flwyddyn darged interim sydd o fewn y cyfnod cyllidebol hwnnw neu'n dod ar ei ôl.
- (2) Ni chaiff Gweinidogion Cymru wneud rheoliadau sy'n newid targed allyriadau 2050, targed allyriadau interim neu gyllideb garbon oni bai bod o leiaf un o'r amodau a ganlyn wedi ei fodloni—
  - (a) eu bod wedi eu bodloni ei bod yn briodol gwneud y newid o ganlyniad i ddatblygiadau sylweddol o ran—

---

*Newidiadau i ddeddfwriaeth: Deddf yr Amgylchedd (Cymru) 2016, Croes Bennawd: Targedau allyriadau a chyllidebau carbon: y prif ddyletswyddau ar Weinidogion Cymru yn gyfredol gyda'r holl newidiadau y gwyddys eu bod mewn grym ar neu cyn 26 Mehefin 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes*

---

- (i) gwybodaeth wyddonol ynghylch newid yn yr hinsawdd, neu
  - (ii) cyfreithiau neu bolisiau'r UE neu gyfreithiau neu bolisiau rhyngwladol sy'n ymwneud â newid yn yr hinsawdd;
  - (b) bod y corff cyngori wedi argymhell y newid;
  - (c) bod y newid yn gysylltiedig â darpariaeth a wneir o dan adran 35(1) neu 37(2).
- (3) Wrth wneud rheoliadau sy'n newid targed allyriadau 2050, neu'n gosod neu'n newid targed allyriadau interim neu gyllideb garbon, rhaid i Weinidogion Cymru roi sylw i—
- (a) yr adroddiad diweddaraf o dan adran 8 ar gyflwr adnoddau naturiol mewn perthynas â Chymru,
  - (b) yr adroddiad tueddiadau tebygol y dyfodol diweddaraf o dan adran 11 o [Ddeddf Llesiant Cenedlaethau'r Dyfodol \(Cymru\) 2015 \(dccc 2\)](#),
  - (c) yr adroddiad diweddaraf (os oes un) o dan adran 23 o'r Ddeddf honno (adroddiad cenedlaethau'r dyfodol),
  - (d) gwybodaeth wyddonol ynghylch newid yn yr hinsawdd,
  - (e) technoleg sy'n berthnasol i newid yn yr hinsawdd, ac
  - (f) cyfreithiau a pholisiau'r UE a chyfreithiau a pholisiau rhyngwladol sy'n ymwneud â newid yn yr hinsawdd (gan gynnwys cytundebau rhyngwladol ar fesurau a gynlluniwyd i gyfyngu ar gynnydd mewn tymheredd cyfartalog byd-eang).
- (4) Mae adrannau 49 a 50 yn gwneud darpariaeth ynghylch y cyngor y mae'n rhaid i Weinidogion Cymru ei gael gan y corff cyngori, a'i ystyried, cyn gwneud rheoliadau sy'n newid targed allyriadau 2050 neu'n gosod neu'n newid targed allyriadau interim neu gyllideb garbon.

---

**Gwybodaeth Cychwyn**

**I4** A. 32 mewn grym ar 21.5.2016, gweler [a. 88\(2\)\(b\)](#)

**Newidiadau i ddeddfwriaeth:**

Deddf yr Amgylchedd (Cymru) 2016, Croes Bennawd: Targedau allyriadau a chyllidebau carbon: y prif ddyletswyddau ar Weinidogion Cymru yn gyfredol gyda'r holl newidiadau y gwyddys eu bod mewn grym ar neu cyn 26 Mehefin 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau.

[View outstanding changes](#)

**Changes and effects yet to be applied to the whole Act associated Parts and Chapters:**

Whole provisions yet to be inserted into this Act (including any effects on those provisions):

- s. 6(10)(d) substituted by [S.I. 2024/706 reg. 22\(a\)](#)
- s. 6(10)(d) substituted by [S.I. 2024/706 reg. 22\(b\)](#)